

ル所ニ係ル、爾後其流派四方ニ傳ハリ、當時ノ漢醫者流其移リ易キヲ喜ビ、之ニ倣フ者多シ、之ヲ漢蘭折衷家ト稱ス、元瑞嘉永二年紀元二千五百九年六十六歲ニシテ歿ス、西洋內科術ヲ闡クノ功、元瑞其多キニ居ル、

〔政事要略九十五〕又疾令醫云、醫生既讀諸經、乃分業教習、註變廿謂依職員令醫生冊人、即爲廿分、學少小、四人、以十二人學體療、謂創腫耳目等各別有生、即除此外、三人學創腫、謂創與瘡、三人學少小、謂六歲以上爲小、十八以上爲少也、二人學耳目口齒、各專其業、言瘡治少小、固異成人、故別云少小、

〔唐六典十四〕太常寺大醫署

醫博士掌以醫術教授諸生、習本草甲乙脈經、分而爲業、一曰體療、二曰瘡腫、三曰少小、四曰耳目口齒、五曰角法、

諸醫生既讀諸經、乃分業教習、率二十人、以十一人學體療、三人學瘡腫、三人學少小、二人學耳目口齒、一人學角法、體療者七年成、少小及瘡腫五年、耳目口齒之疾并角法二年成、

〔史記扁鵲傳〕扁鵲名聞天下、過邯鄲、聞貴婦人即爲帶下、醫過維陽、聞周人愛老人、即爲耳目痺、醫來入咸陽、聞秦人愛小兒、即爲小兒醫、隨俗爲變、秦太醫令李醜自知伎不如扁鵲也、使人刺殺之、至今天下言脈者、由扁鵲也、

〔政事要略九十五〕至要雜事、又疾令醫云、醫針生、按摩呪禁生、專令習業、○下

〔醫贖上〕醫科

醫之立科、歷代不同、周四科、疾醫、瘍醫、食醫、獸醫、見周禮、唐七科、體療、少小、耳目、口齒、角法、按摩、呪禁、見六典、宋設三科教之、曰方脈科、針科、瘍科、見選舉志、又太醫局有丞、有教授、有九科、見藏官志、而九科無攷、金十科亦無攷矣、元十三科、大方脈雜醫科、小方脈科、風科、產科、兼婦人雜病科、眼科、口齒兼咽喉科、正骨兼金鏃科、瘡腫科、鍼灸科、祝由科、見輟畊錄、案得効方同、唯除祝由科輟畊錄云、出聖濟總錄、今聖濟無攷可疑、續文獻通考、無風科、